

**ASSEMBLEA DI A GIUVENTÙ DI A CORSICA**

**SESSIONI URDINARIA DI U 2025  
RIUNIONI DI L'11 DI LUDDU DI U 2025**

**N° 2025/M4/09**

**MUZIONI  
(CÙ DUMANDA D'ESAMI PRIURITARIU)**

**DEPOSITATA DA : JEAN-BAPTISTE GERONIMI PA U GRUPPU  
« CHJAMA A L'UNITA »**

**UGHJETTU : A lingua corsa**

**VISTA** a deliberazioni n° 24/155 AC di l'Assemblea di Corsica di u 29 nuvembri 2024 purtendu ad una risuluzioni relativa à a lingua corsa ;

**VISTU** l'arrestu n° 23MA01110 di a Corti amministrativa di chjama di Marseglia di u 19 di nuvembri 2024, interdiscendu l'adopru libaru, effettivu è securizatu di a lingua corsa nentru i stituzioni di a Corsica ;

**VISTA** a missa in pusessu di a "Ligue des Droits de l'Homme" da a Cullittività di Corsica, dopu à st'arrestu ;

**VISTA** a lettera di a "Fédération des Conseils de Parents d'Élèves (FCPE)" di u Pumonti cuntestendu l'amparera di u corsu in scola publica è rimettendu in causa u sistema bislingu ;

**CUNSIDERENDU** chi a lingua corsa hè un'elementu fundamentali di u patrimoniu culturali, storicu è identitariu di u populu corsu ;

**CUNSIDERENDU** chi l'interdizioni di u so adopru in i stituzioni di a Corsica custituisca un'uffesa gravuli di a dignità è à i dritti linguistichi di i cittadini;

**CUNSIDERENDU** chi issa decisioni t' hà cunsequenza diretta d'interdiscia u bilinguisimu reali sanu;

**CUNSIDERENDU** chi l'amparera di u corsu in scola hè a leva di primura par assicurà a so tramandera à i generazioni futuri ;

**CUNSIDERENDU** ch'è a cutestazioni di l'amparera da a FCPE di u Pumonti indebbuliscia a scola publica in u so rolu d'affranchamentu, di a ghjustizia suciali è di a ricunniscenza di l'identità;

**CUNSIDERENDU** ch'è l'amparera immersiva, ricunnisciuta cum'è efficienti da i linguisti è i stituzioni internaziunali, custituisca una via essenziali pà salvà una lingua in periculu;

**CUNSIDERENDU** chi a ricunniscenza di a lingua corsa cum'è sapè fundamentali hè una cundizioni essenziali à a custruzzioni d'una sucietà bilingua;

**CUNSIDERENDU** chi a ghjuventù di Corsica hè affidata à a difesa di a so lingua è cuscenti di a so rispunsabilità di a so tramandera;

## L'ASSEMBLEA DI A GIUVENTÙ DI CORSICA :

**S'OPPONI** chjudendu ad ogni tentativa di rimessa in causa di a lingua corsa di a scola publica, di modu particularu, à l'uffesi indirizzati da a FCPE di Pumonti;

**ACCERTA** u so sustegnu tutali à i mossi studentini, insegnanti, parenti è cittadini pà a difesa di a lingua corsa;

**DUMANDA** à u Cunsigliu Esecutivu di a Corsica è à l'Assemblea di Corsica d'apustrufà u Statu pà garantiscia a libertà d'adopru di u corsu è di i stituzioni è di u spaziu publicu;

**VOLI** ch'è a riforma sana o a decisioni relativa à a lingua corsa sia custruita in cuncertazioni incù l'attori educativi, culturali, associativi è stituzionali di l'isula ;

**PREGA** chì a lingua corsa sia securizata da un quadru ghjuridicu chjaru, prutettori parmittendu u sviluppu di l'amparera immersiva, a cuufficialità, è a ricunniscenza di a lingua corsa cum'è un sapè fundamentali ;

**RIACCERTA** a so aderenza à una scola inclusiva, bilingua, scritta in u so tarritoriu, è guaranti di a ghjustizia linguistica